



Broj: 01- 419 /25

Sarajevo: 8. 5. 2025. godine

Šemsudin Mehmedović

|                                                                                |                       |            |              |
|--------------------------------------------------------------------------------|-----------------------|------------|--------------|
| BOSNA I HERCEGOVINA<br>PARLAMENTARNA SKUPŠTINA BOSNE I HERCEGOVINE<br>SARAJEVO |                       |            |              |
| PRIMLJENO: 08-05-2025                                                          |                       |            |              |
| Organizaciona jedinica                                                         | Klasifikaciona oznaka | Redni broj | Broj priloga |
| 01-                                                                            | 50-1-                 | 1096       | 125          |

PREDSTAVNIČKI DOM

PARLAMENTARNE SKUPŠTINE BOSNE I HERCEGOVINE

n/r predsjedavajućeg

U skladu s čl. 170. i 171. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 53/22) postavljam sljedeće

**ZASTUPNIČKO PITANJE ZA  
OBAVJEŠTAJNO-SIGURNOSNU AGENCIJU BOSNE I HERCEGOVINE**

Da li Obavještajno-sigurnosna agencija Bosne i Hercegovine ima saznanja da se na lokalitetu Retinje, između mjesnih zajednica Godijeno i Vikoč u opštini Foča, nalazi masovna grobnica?

Postoje li izjave svjedoka date Obavještajno-sigurnosnoj agenciji Bosne i Hercegovine ili druge informacije da se na navedenom lokalitetu nalaze posmrtni ostaci zarobljenih Bošnjaka koji su ubijeni u jesen 1992. godine, nakon što su završili branje šljiva u selu Veselice, u mjesnoj zajednici Vikoč i da su tijela zatrpale građevinske mašine koje su dovezene za tu namjenu, a koje su prethodno iskopale jamu za grobnicu? Prema javno dostupnim informacijama na branje šljiva je iz Kazneno-popravnog doma Foča odvedeno između 35 i 60 zarobljenih Bošnjaka.

Da li je Obavještajno-sigurnosna agencija Bosne i Hercegovine o eventualnom postojanju masovne grobnice na lokalitetu Retinje obavijestila Tužilaštvo Bosne i Hercegovine i Institut za nestale osobe Bosne i Hercegovine? Podsjećam da se oko 600 Bošnjaka iz opštine Foča u administrativnim evidencijama i dalje vodi kao „nestali“.

U skladu s članom 171. st. (2) Poslovnika Predstavničkog doma odgovor u pisanoj formi mora se dostaviti u roku od 30 dana od dana kada je pitanje dostavljeno onome kome je upućeno.

Zakonom o parlamentarnom nadzoru („Službeni glasnik BiH“, br. 25/18) propisane su sankcije za neodgovaranje na poslanička pitanja (član 64. stav (1.) tačka a) i b) Zakona. Članom 6. ovog zakona propisano je da zastupnici provode nadzor nad radom institucija Bosne i Hercegovine postavljanjem zastupničkih pitanja, a članom 7. stav 2. istog zakona, utvrđeno je da se parlamentarni nadzor provodi radi preventivne zaštite od zloupotrebe položaja i ovlaštenja, materijalnih i finansijskih resursa.

S poštovanjem,

ZASTUPNIK PS BiH  
Šemsudin Mehmedović